


#

Հաստատված է Խաչատուր Աբովյանի
անվան հայկական պետական
մանկավարժական համալսարանի
գիտական խորհրդի 2012 թվականի
սեպտեմբերի 20-ի նիստում
Ռեկտոր Ռուբեն Միրզախանյան



ԿՐԹԱԿԱՆ ԾՐԱԳՐԵՐԻ ԸՆԹԱՑԻՎ ՄՇՏԱԴԻՏԱՐԿՄԱՆ ԵՎ ՎԵՐԱՆԱՅՄԱՆ
ԸՆԹԱՑԱԿԱՐԳ

1. Նախաբան

ՀՊՄՀ-ն իր կրթական գործընթացների կազմակերպման և կրթական ծառայությունների տրամադրման գործընթացներում առաջնորդվում է կրթության որակի և հասարակության ու աշխատաշուկայի պահանջներին համապատասխանության սկզբունքներով: ՀՊՄՀ-ի առաքելության կարևորագույն տարրը մանկավարժական մտքի ձևավորումն է և կրթության ու սոցիալական ոլորտի ժամանակակից մանկավարժ-մասնագետների պատրաստումը: ՀՊՄՀ-ի սույն առաքելությունը իրականացնելու առանցքում է գտնվում կրթական ծրագրերի պարբերական մշտադիտարկումը և վերանայումը: Կրթական ծրագրերի պարբերական վերանայման գործընթացները պետք է զուգորդված լինեն համակարգված երկարաժամկետ ռազմավարական պլանավորմամբ և գործողություններով:

Կրթական ծրագրերի պարբերական մշտադիտարկումը ենթադրում է սխտեմատիկ ինքնուսումնասիրություն և ինքնագնահատում, որը նպաստում է հետագա ռազմավարական ուղղությունների ձևավորմանը և կրթական գործընթացների բարելավմանը:

Պարբերական վերանայման գլխավոր նպատակը կրթական ծրագրի արդյունավետության և որակի ապահովումն է: ՀՊՄՀ-ի որակի ներբուհական վերանայման գործընթացները պետք է նպաստեն և խրախուսեն բոլոր աստիճաններում կրթական ծրագրերի արդյունավետության և որակի բարձրացումը, ապահովեն դրանց համապատասխանությունը ՀՊՄՀ-ի և տվյալ կրթական ծրագրի առաքելությանը: Մինևույն ժամանակ արդյունավետ և որակյալ ծրագրերի առկայությունը կապահովեն ՀՊՄՀ-ի կրթական գործընթացների համապատասխանությունը առաջանցիկ մանկավարժական կրթության միջազգային չափանիշներին և աշխատաշուկայի հետ պարբերական փոխհամագործակցության միջոցով կնպաստեն մասնագիտական նոր ուղղվածությունների հայտնաբերմանը և նոր կրթական ծրագրերի մշակմանը:

Մշտադիտարկման և պարբերական վերանայման խնդիրն է պատշաճ ուսումնասիրել և գնահատել կրթական ծրագիրը, ձեռքբերված ուսումնական վերջնարդյունքները, կիրառած դասավանդման և ուսուցումնական մեթոդաբանությունը և դրա արդյունավետությունը, գնահատման համակարգը, անհրաժեշտ ռեսուրսների առկայությունը, վեր հանել կրթական ծրագրի ուժեղ և թույլ կողմերը և մշակել համապատասխան միջոցառումների ծրագիր կրթական ծրագրի հետագա զարգացման համար:

Վերոնշյալ նպատակներն և խնդիրներն իրագործելու համար վերանայման գործընթացը ենթադրում է հետևյալ շրջափուլը.

1. Ինքնագնահատման գործընթացների նախագծում, ժամանակացույցի սահմանում,
2. Ինքնագնահատում,
3. Ինքնագնահատման արդյունքների հիման վրա գործողությունների ծրագրի մշակում,
4. Ինքնագնահատման արդյունքների և գործողությունների ծրագրի քննարկում ՀՊՄՀ ղեկավար և համակարգող լիազոր մարմինների հետ,
5. Գործողությունների ծրագրի իրագործում,
6. Ծրագրի իրագործման արդյունքների ուսումնասիրություն,

7. Հետագա բարելավում,

8. Արտաքին գնահատում:

Սույն ընթացակարգի կարևոր շահառուն ՀՊՄՀ-ն է, ՀՊՄՀ-ի պրոֆեսորադասախոսական անձնակազմը, ներկայում սովորող և պոտենցիալ ուսանողները:

Սույն ընթացակարգի շրջանակներում կիրառվում են հետևյալ եզրույթները.

Կրթական ծրագրի մշտադիտարկում. կրթական ծրագրի մշտադիտարկումը ենթադրում է վերջինիս սիստեմատիկ ուսումնասիրություն՝ համապատասխան տվյալների և հետադարձ կապի միջոցով ձեռք բերված տեղեկատվության միջոցով:

Կրթական ծրագրի վերանայում. կրթական ծրագրի վերանայումը ենթադրում է վերջինիս բոլոր բաղկացուցիչ մասերի պարբերական խորը ուսումնասիրություն:

2. Նպատակ և խնդիրներ

Կրթական ծրագրի մշտադիտարկման և պարբերական վերանայման նպատակն ու խնդիրներն են.

- Աջակցել կրթական ծրագրի և կրթական գործընթացների որակի և չափանիշների բարելավմանը,
- Ապահովել մասնագիտական կրթական ծրագրերի արդիականությունը արագ փոփոխվող և գիտելիքի զարգացման արագ դինամիկայի պայմաններում,
- Ապահովել դասավանդման և ուսուցառման ակադեմիական չափանիշները և որակը պահպանելուն և բարելավելուն ուղղված գործընթացները,
- Գնահատել ուսանողների կողմից ձեռքբերված կրթական վերջնարդյունքների մակարդակը,
- Կանխատեսել կրթական ծրագրերի հնարավոր պահանջարկը,
- Ապահովել կրթական ծրագրի համապատասխանությունը ներկայիս և պոտենցիալ ուսանողների, գործատուների պահանջներին,

- Ապահովել համապատասխան միջոցառումների և ծրագրերի առկայությունը՝ լավագույն փորձը տարածելու, իսկ բացթողումները շտկելու նպատակով:

3. Մոտեցումներ

Կրթական ծրագրերի մշտադիտարկումն ու վերանայումը պետք է.

- Ապահովի զարգացում և բարելավում,
- Ընդգրկվի շարունակական որակի ապահովման գործընթացներում,
- Խրախուսի գործընթացների կազմակերպման թիմային մոտեցումը,
- Գործընթացներում ընդգրկի կրթական ծրագրերի բոլոր շահառուներին,
- Հիմք ընդունի նախկին փորձը հետագա զարգացման համար,
- Ուսումնասիրի բոլոր ուսումնական հնարավորությունները և կրթական ծրագրերի արդիականությունը,
- Գործընթացները լինեն խորաթափանց և ինելամիտ՝ ավելորդ աշխատանքային ծանրաբեռնվածությունից խուսափելու համար,
- Խթանեն որակի մշակույթի և դասավանդման ու ուսուցումնան միջավայրի ստեղծումը:

4. Սկզբունքներ.

Կրթական ծրագրերի մշտադիտարկումը և վերանայումը պետք է.

- լինի փաստագրված և փաստերի վրա հիմնված,
- իրականացվի ինելամիտ ժամանահատվածում,
- չկրկնի մշտադիտարկման և վերանայման մյուս գործընթացները,
- իրականացվի փոխաջակցության մթնոլորտում,
- հնարավորություն ստեղծի բոլոր շահառուներին ցուցաբերել քննադատական և վերլուծական մոտեցում,
- լինի պատշաճ կազմակերպված և թափանցիկ,
- կիրառի հստակ և հիմնավորված չափանիշներ:

5. Գործընթացի կազմակերպումը և հաճախականությունը

5.1 Կրթական ծրագրերի մշտադիտարկում

5.1.1 Կրթական ծրագրերի մշտադիտարկումը իրականացվում է ուսումնական տարվա ընթացքում՝ յուրաքանչյուր մասնագիտության կրթական ծրագրի համապատասխան ամբիոնի վարիչի կողմից:

- 5.1.2 Ամբիոնի վարիչը յուրաքանչյուր ուսումնական տարվա համար մշակում է մշտադիտարկման ժամանակացույցը և պատասխանատուներին:
- 5.1.3 Մշտադիտարկումը իրականացվում է դասալսումների, ուսանողների և դասախոսների հետ խորհրդակցությունների և ուսանողներից և դասախոսներից հարցաթերթիկների միջոցով ստացված տեղեկատվության ուսումնասիրության միջոցով:
- 5.1.4 Յուրաքանչյուր ուսումնական տարվա ավարտին՝ ամբիոնի նիստի ժամանակ, ամբիոնի վարիչը քննարկում է հավաքագրված տեղեկատվությունը համապատասխան շահագրգիռ մարմինների հետ: Քննարկման ընթացքում ուսումնասիրվում են յուրաքանչյուր շահագրգիռ կողմի իրավասության դաշտում գտնվող կրթական ծրագրի վերաբերյալ իրենց փորձը, վիճակագրական տվյալները, հետադարձ կապի միջոցով ստացած տեղեկատվությունը, վերլուծում և մշակում կրթական ծրագրի բարելավմանն ուղղված միջոցառումների ծրագիր: Քննարկման արդյունքում պատրաստվում է նաև հաշվետվություն, որը ամփոփում է վերլուծված տեղեկատվությունը, գնահատականը կամ դիտողությունները վիճակագրական տվյալների, ձեռքբերումների, կրթական ծրագրի իրագործման որակի, ուսումնական պլանի բովանդակության և հետագա բարելավման, դասավանդման և ուսուցառման գործընթացների և մեթոդաբանության, ուսանողների գնահատման համակարգի, լավագույն փորձառության օրինակների (որոնք կարող են կիրառելի լինել նաև այլ կրթական ծրագրեր իրագործելիս) և բարելավմանն ուղղված միջոցառումների վերաբերյալ:
- 5.1.5 Հաշվետվությունը տրամադրվում է ֆակուլտետի ղեկանին՝ այն ֆակուլտետային հանձնաժողովում քննարկելու, առաջարկություններով հանդես գալու և առաջարկված միջոցառումների ծրագրին հավանություն տալու նպատակով:
- 5.1.6 Ֆակուլտետային հանձնաժողովը, հաշվետվությունը ուսումնասիրելուց հետո պատրաստում է հաշվետվություն (1-2 էջ) իրենց առաջարկություններով և դիտողություններով ու ներկայացնում ֆակուլտետի ղեկանին:
- 5.1.7 Ֆակուլտետի ղեկանը ամբիոնի վարիչի, ամբիոնային ՈԱ պատասխանատուի հետ իրականացնում է խորհրդատվություն կրթական ծրագրերը իրականացնող պրոֆեսորադասախոսական կազմի հետ՝ առաջարկությունները, դիտողությունները և միջոցառումների ծրագիրը իրագործելու վերաբերյալ:
- 5.1.8 Միջոցառումների իրագործման վերաբերյալ հաշվետվությունը քննարկվում է հաջորդ ամբիոնի նիստին՝ հերթական ուսումնական տարվա ավարտին:

5.2 Կրթական ծրագրերի վերանայում

1. Կրթական ծրագրերի պարբերական վերանայումը իրականացվում է յուրաքանչյուր 5 տարին մեկ: Որոշ հանգամանքների առկայության պարագայում կրթական ծրագրի վերանայումը կարող է հետաձգվել՝ հիմք ընդունելով վերանայվող մասնագիտության կրթական ծրագիրը կառավարող ամբիոնի վարիչի հիմնավորումը: Հետաձգման վերաբերյալ որոշումը պետք է ներկայացվի ֆակուլտետային հանձնաժողովի քննարկմանը և հաստատվի վերջինիս կողմից:
2. Յուրաքանչյուր տարի վերանայվում են ընդհանուր մասնագիտական կրթական ծրագրերի 20%-ը: Վերանայման համար կրթական ծրագրերի ընտրությունը կատարվում է համապատասխան ֆակուլտետի ղեկանի, ամբիոնի վարիչների, դասախոսների և ՈԱ վարչության ղեկավարի խորհրդակցության արդյունքում:
3. Կրթական ծրագրերի վերանայումն իրականացնում է ֆակուլտետային հանձնաժողովը:
4. Վերանայման գործընթացի մեկնարկից մեկ ամիս առաջ Կրթության զարգացման և որակի ապահովման վարչության ղեկավարը ուղարկում է ծանուցում՝ կրթական ծրագրերի վերանայման գործընթացն սկսելու վերաբերյալ:
5. Վերանայման գործընթացի մեկնարկից առաջ Կրթության զարգացման և որակի ապահովման վարչության ղեկավարը կազմակերպում է խորհրդատվություն ֆակուլտետային հանձնաժողովի անդամների հետ՝ կրթական ծրագրերի վերանայման ընթացակարգերի, գործընթացների, անհրաժեշտ փաստագրման վերաբերյալ:
6. Խորհրդակցության արդյունքում մշակվում է վերանայման ժամանակացույցը և սահմանվում պատասխանատուներ:
7. Կրթական ծրագրի վերանայումն իրականացնելու համար նախապատրաստվում է քննադատական գնահատման հաշվետվությունը (համաձայն հավելված Ա-ի), որն ամփոփում է նախորդ տարիներին իրականացված տարեկան ուսումնասիրությունների հաշվետվությունները և կրթական ծրագրի վերանայմանն առնչվող այլ փաստաթղթերը և ներկայացվում է ֆակուլտետային հանձնաժողովի ուսումնասիրությանը:
8. Ֆակուլտետային հանձնաժողովը, հիմք ընդունելով վերոնշյալ հաշվետվությունը, կազմակերպում է քննարկումներ ուսանողների, վերջին հինգ տարիների ընթացքում ավարտած ընտրանքային շրջանավարտների, դասախոսների և կրթական գործընթացի կազմակերպմանը մասնակիցների հետ: Ըստ անհրաժեշտության կարող են հրավիրվել նաև գործատուներ և վերանայվող մասնագիտական ոլորտի արտաքին փորձագետներ:
9. Ուսումնասիրությունների արդյունքում ֆակուլտետային հանձնաժողովը պատրաստում է հաշվետվություն արդյունքների վերաբերյալ, կրթական ծրագրերի առաջարկվող փոփոխությունների նախագիծ և իրագործման միջոցառումների պլան:

10. Առաջարկվող փոփոխությունները և միջոցառումները դասակարգվում են որպես.
 - Էական. վերաբերում են կրթական ծրագրի կասեցման կամ հետագա կենսունակության վերաբերյալ կասկածներին:
 - Նպատակահարմար. կարիք ունի հատուկ ուշադրության՝ որակի և կրթական գործընթացի կազմակերպման չափանիշները ապահովելու համար:
 - Ցանկալի. ընդհանուր առմամբ թերություններ առկա չեն, սակայն ցանկալի է միջոցառումներ իրականացնել կրթական գործընթացի կազմակերպման որակը բարձրացնելու համար:
 - Ողջունելի. կրթական ծրագրի կազմակերպման գործընթացում թերություններ չեն հայտնաբերվել և որպես լավագույն փորձ՝ երաշխավորվում է տարածման ՀՊՄՀ-ի այլ ֆակուլտետներում:
11. Ֆակուլտետային հանձնաժողովի նախագահը փոխանցում է վերոնշյալ փաստաթղթերը Գիտական խորհրդին կից ՈԱ հանձնաժողովին՝ որոշում կայացնելու նպատակով:
12. Գիտական խորհրդին կից ՈԱ հանձնաժողովի կողմից որոշումը կայացնելուց հետո ֆակուլտետային հանձնաժողովի նախագահը կազմակերպում է ամփոփող խորհրդակցություն հետագա քայլերը քննարկելու և միջոցառումների ծրագիրը իրականացնելու համար:
13. Ֆակուլտետային հանձնաժողովի հաջորդ հանդիպումը տեղի է ունենում մեկ տարի հետո՝ կատարված գործողությունների վերաբերյալ քննարկում կազմակերպելու նպատակով:
 6. Ֆակուլտետային հանձնաժողովի կազմը
 - 6.1 Ֆակուլտետային հանձնաժողովը բաղկացած է վերանայվող մասնագիտության կրթական ծրագրի ֆակուլտետի ղեկանից, ամբիոնների վարիչներից, ամբիոնների ՈԱ պատասխանատուներից, առնվազն երկու առաջատար դասախոսից, Ուսանողական խորհրդի ՈԱ երկու ներկայացուցիչներից և Կրթության զարգացման և որակի ապահովման վարչության ղեկավարից: Ֆակուլտետային հանձնաժողովի նախագահն է ֆակուլտետի ղեկանը:
 - 6.2 Ֆակուլտետային հանձնաժողովը, ըստ անհրաժեշտության, ոլորտային ուսումնասիրության համար կարող է կազմել նպատակային հանձնաժողովներ և հրավիրել արտաքին փորձագետներ, գործատուներ և ծնողներ:
 - 6.3 Ֆակուլտետային հանձնաժողովի նախագահը պատասխանատու է հանձնաժողովի անդամների պատշաճ հաճախելիության և աշխատանքների իրականացման համար:
 - 6.4 Ֆակուլտետային հանձնաժողովի կազմը հաստատվում է ՀՊՄՀ ղեկավարի կողմից:

Հավելված Ա.

Կրթական ծրագրերի պարբերական վերանայման հարցերի շրջանակը

Կրթական ծրագրերի վերանայման հաշվետվությունը պետք է ներառի, սակայն չսահմանափակվի ներքոնշյալ հարցերի շրջանակով:

1. Կրթական ծրագրի համապատասխանությունը ՀՊՄՀ ռազմավարական խնդիրներին և առաքելությանը
 - 1.1 Արդյո՞ք կրթական ծրագիրը համապատասխանում է ՀՊՄՀ ռազմավարական խնդիրներին և առաքելությանը:
 - 1.2 Ի՞նչպե՞ս է կրթական ծրագիրը համապատասխանում ՀՊՄՀ նախաձեռնություններին:
 - 1.3 Ի՞նչ միջոցառումներ են ձեռնարկվում խուսափելու ՀՊՄՀ կողմից շնորհվող այլ կրթական ծրագրերը չկրկնօրինակելու համար:
 - 1.4 Ի՞նչ առնչություններ ունի կրթական ծրագիրը այլ համալսարանների կողմից իրականացվող կրթական ծրագրերի հետ:
 - 1.5 Ի՞նչպե՞ս է կրթական ծրագիրը խրախուսում ուսանողների և պրոֆեսորադասախոսական անձնակազմի շարժունությունը և համագործակցությունը:
2. Կրթական ծրագրի արդիականությունը և համապատասխանությունը
 - 2.1 Որքանո՞վ են կրթական ծրագրի վերջնարդյունքները համապատասխանում ծրագրի ընդհանուր նպատակներին:
 - 2.2 Որո՞նք են այն հիմնավորումները, որ տվյալ կրթական ծրագիրը շարունակական պահանջարկ ունի աշխատաշուկայում:
 - 2.3 Ի՞նչ քայլեր են ձեռնարկվում կրթական ծրագիրը ապահովելու տվյալ մասնագիտության ոլորտում ժամանակակից տեղեկատվությամբ և փորձառությամբ:
 - 2.4 Ո՞րն է տվյալ կրթական ծրագրի գրավչությունը և ի՞նչ մարքեթինգային միջոցառումներ են իրականացվում կրթական ծրագրի գրավչությունը բարձրացնելու համար:
 - 2.5 Ի՞նչպե՞ս է մշտադիտարկվում հասարակության պահանջարկը կրթական ծրագրի նկատմամբ:
3. Կրթական ծրագրի բովանդակությունը և իրագործումը
 - 3.1 Ի՞նչպե՞ս է մշտադիտարկվում կրթական ծրագրի դասավանդման և ուսուցառման մեթոդաբանությունը՝ ապահովելու նախատեսվող կրթական վերջնարդյունքների ձեռքբերումը ուսանողների կողմից:
 - 3.2 Ի՞նչպե՞ս է մշտադիտարկվում դասավանդման և ուսուցառման մեթոդաբանության արդիականությունը և համապատասխանությունը միջազգային առաջավոր փորձին:

- 3.3 Ինչպե՞ս է դասավանդման և ուսուցառման մեթոդաբանությունը նպաստում ուսանողների ընդգրկմանը դասագործընթացում և ապահովում իրենց ակտիվ մասնակցությունը:
- 3.4 Ինչպե՞ս է մշտադիտարկվում դասավանդման և ուսուցառման մեթոդաբանությունը՝ ապահովելու բոլոր ուսանողների ներգրավվածությունը դասագործընթացին:
- 3.5 Ինչպե՞ս է մշտադիտարկվում ուսանողների գնահատման համակարգը, ի՞նչ բարելավման մեխանիզմներ են գործում:
- 3.6 Ի՞նչ միջոցառումներ են իրականացվում գնահատման համակարգի վերաբերյալ իրազեկվածությունը բարձրացնելու ուղղությամբ:
- 3.7 Ինչպե՞ս է խրախուսվում ուսանողի ուսումնագիտական ինքնուրույնությունը և պայքարը գրագողության դեմ:
- 3.8 Արդյո՞ք հետազոտությունը ինտեգրված է կրթական ծրագրին և ինչպե՞ս է հետազոտությունը նպաստում կրթական ծրագրի զարգացմանը:
- 3.9 Ինչպե՞ս է իրականացվում դասախոսական անձնակազմի մասնագիտական աճը և որակավորման բարձրացումը:
- 3.10 Որքանո՞վ է դասախոսների հավաքագրումը համապատասխանում ՀՊՄՆ սահմանված ընթացակարգերին և քաղաքականությանը:
- 3.11 Ինչպե՞ս է ապահովվում ուսումնական ռեսուրսների համապատասխանությունը կրթական ծրագրին (գրադարանային պայմաններ, համակարգչային ծառայություններ, խորհրդատվական և աջակցության ծառայություններ, տեխնիկական աջակցություն և այլն.)

4. Ուսանողների ներգրավվածություն

- 4.1 Որքանո՞վ են արդյունավետ ուսանողների ընդունելության և նախնական խորհրդատվության միջոցառումները:
- 4.2 Ինչպե՞ս են ուսանողները տեղեկացվում կրթական ծրագրի, ուսումնառության վերջնարդյունքների, գնահատման համակարգի վերաբերյալ:
- 4.3 Արդյո՞ք ուսանողները իրազեկված են իրենց ներկայացվող պահանջներին:
- 4.4 Ի՞նչ միջոցառումներ են իրականացվում՝ ապահովելու ուսանողի ներգրավվածությունը կրթական ծրագրի արդյունավետ կազմակերպման գործընթացում:
- 4.5 Ի՞նչ խոչընդոտների են հանդիպել ուսանողները՝ ուսումնառության վերջնարդյունքներին հասնելու ընթացքում:
- 4.6 Ի՞նչ խորհրդատվական և տեխնիկական աջակցության ծառայություններ են գործում ուսանողների համար:
- 4.7 Ինչպե՞ս են հավաքվում ուսանողների կարծիքը, դիտողությունները և առաջարկությունները կրթական ծրագրի իրականացման վերաբերյալ:
- 4.8 Ի՞նչ մեխանիզմներ են գործում ուսանողների կարծիքը հաշվի առնելու համար:
- 4.9 Որո՞նք են այն հիմնական խնդիրները, որոնք առաջ են քաշվել ուսանողների կողմից կրթական ծրագրի իրականացման ընթացքում և ի՞նչ անդրադարձ է եղել դրան:

5. Ուսանողների առաջադիմությունը

5.1 Ինչպե՞ս են ամփոփիչ ավարտական քննական հանձնաժողովի անդամները տեղեկանում կրթական ծրագրի նախատեսվող վերջնարդյունքներին գնահատումը իրականացնելու համար:

5.2 Որքանո՞վ է արդյունավետ գնահատման համակարգը՝ առաջադիմության տարբեր մակարդակները նկարագրելու հարցում:

5.3 Ի՞նչ միտումներ են նկատվում ուսանողների առաջխաղացման և որակավորումներ ստանալու գործընթացներում, որո՞նք են այդ վիճակագրական տվյալները:

5.4 Որքանո՞վ է գնահատման համակարգը խրախուսում թիմային և անհատական աշխատանքները:

6. Բենչմարքինգ և համապատասխանություն

6.1 Ինչպե՞ս է իրականացվում ներքին բենչմարքինգը. լավագույն փորձի ներհամալսարանական տարածումը:

6.2 Արդյո՞ք առկա են ցուցիչներ արտաքին բենչմարքինգ իրականացնելու նպատակով:

6.3 Ինչպե՞ս է իրականացվում արտաքին բենչմարքինգը:

6.4 Որքանո՞վ է կրթական ծրագրի վերջնարդյունքները և շնորհված որակավորումները համապատասխանում կրթական ծրագրի մասնագրին և Որակավորումների ազգային շրջանակին:

7. Այլ

7.1 Ո՞րն է կրթական ծրագրի շրջանակներում լավագույն փորձը:

7.2 Ի՞նչ բարեփոխումների կարիք կա:

7.3 Ինչպե՞ս կարող է ՀՊՄՀ վարչակազմը նպաստել կրթական ծրագրի նպատակներին հասնելու համար: